

四庫全書

集部

欽定四庫全書

松泉集卷二十一

癸酉

吏部尚書汪由敦撰

恭和

御製新正二日得雪元韻

霏霏瑞雪慶優霑

聖德

天心一氣覃試看點衣花尚六初逢于耜日之三遺蝗

覆種消無迹宿麥潛芽潤早含

齋殿春迴詩思遠靜收清景入新函

恭和

御製上元燈詞元韻

占瑞早呈盈尺雪應時新剪萬枝燈當頭璧月年年滿  
照眼銀花歲歲仍

蓬島雲開銀是闕上林花放玉交枝太平萬歲排成字  
共向

瑤池祝

壽禧

曼衍魚龍最擅奇  
真看銜曜弄珠時  
熒煌煜燭光無定

不藉方都助巧思

方都匠毛炯有巧思為燈樓  
高百五十尺見明皇雜錄

重樓湧出虛空現  
攢蓋爭從頌刻開  
自是大羅天上界  
何須更問化人來

五夜風光慶有年  
九區豐稔徧吳燕  
村坊酒賤逢人醉  
城市燈繁比戶懸

撒荔筵開

玉殿春韶韻競奏酒初巡從知

錫福坡埏遍豈獨長安歌舞人

兜率光音最上層牟尼五色恍無憑玉毫現處金蓮座  
千佛名中日月燈

火蛾膏粥歲華臨總為田蠶報好音

睿鑒朗同明月鏡一輪照徹萬方心

恭和

御製上元後一日小宴廷臣仍用重華宮賜宴韻二首  
昨宵

睿製寫燈前今日

恩光侍綺筵自為傳柑酬令節還因占麥賞豐年

飛毫玉座輝圓壁銜壁金缸映列錢  
絲管聲中風冉冉  
始知春色

九重妍

珊瑚火樹照千林中使承宣尊紱簪列缺鞭時光掣電

燭龍騰處氣成陰  
熙恬春物同民意  
兢業昌辰保泰心  
賡就

瑤箋歸路晚千門  
正待月華臨

恭和

御製射元韻

挽強命中昔交稱  
耦進程材舊更仍  
風自古傳非尚力

聖由天縱實多能  
穿楊妙解心同折

深辨國策之謬  
御製穿楊說破

的神功氣不矜  
肄武習勞推

祖德訓行奕世定絕繩

恭和

御製望大房山作歌元韻

鸞旂東度盧溝來畫屏六六相縈迴大房縱出特雄峻  
春雲藹藹閤復開兩峪東西翼左右一脈中條蜿蜒走  
奧區曲折藏堂隍危岑戍削摘星斗香林不獨占嶽寄  
中有金源閤寢基蒼松偃蓋荆榛密指點涼臺歇馬時  
何緣玉匣遺傾發螺嶮龍城空兀突冬青江國有同悲鍾



阜昌平未荒忽石經猶幸護祇園何況因山往蹟存黃  
瓦朱垣昭

聖澤

六飛親歷更尋論

恭和

御製曉行即景元韻

縷縷霞興東嶺東朝曦影散玉花驄雨餘尚覺春寒勁  
赤放山桃破綻紅

熙熙雞犬散郊原  
田叟携童早候門  
共道朝來作去春  
社錫簫粥鼓遍村村

恭和

御製閒題元韻

金鑑詒規遠  
緬編古義陳  
恭惟

一人慶徧作萬方春  
撫序先思孝持盈  
懋敬身閒中時  
默運詞翰詎能伸

恭和

御製初遊雲居寺二十韻

初地紀初遊山光傍晚浮暮空烟未泮潑黛雨纔收餘  
雪封巖岫輕冰圻澗溝中春欣暖布半日且間偷石壁  
蒼仍瘦原蕨綠漸柔林香迎遠旆寒氣襲征裘拾級紆  
盤道經亭得少留仰看迷近寺俯瞰辨前駒西竺疑真  
到東林未可儔翠珉離劫火寶網閱春秋塔影直凌漢  
鐘聲遠隔邱鬢雲常蔭在花雨定沾不窈窕堆鬟髻晴  
明卷慢情支筇休倦跡倚檻暢吟眸義飡通禪味清池

潤渴喉洞深泉汨汨徑轉竹修修象設天人護經傳法  
乳流火龍潛竇伏馴鴿向階投扈從班雖忝探尋願未  
酬幸從窺

聖藻循誦快忘憂

恭和

御製遊雲居寺即景雜咏元韻

香樹林

木石由來具佛心直從山吼到而今

六龍一晌經行處不斷香風蔭葛林

概雲軒

雲去復雲來藹藹各殊致山體自如如行雲等閒寄可  
概不可量無心非有思縹白復縈青凝黛時分翠何當  
掃層軒坐看飛雨至

石井

寒泉冽不食石髓空滴乳為問誰所鑿應始自太古寸  
瀾了不興縷雲時一吐銅餅與銀床未是山中侶漫持

短綆汲觀天仰膏雨

石經洞

震旦方流施雲扁轉秘藏直謀逃浩劫為計亦荒唐  
石空非有文言幻豈常鴻都久磨滅應愧遜周防

崖舫

彼岸已先登虛舟大自在書畫不須誇此是華嚴海

聲輪洞

洞戶納歸雲徑曲迷層巘隨處現雷音提示大乘典慧

集  
卷二十一  
業與生天圓證皆上善塔然聲聞寂一任風輪轉却笑  
遊人癡持炬探深淺

見春亭

陽春大地來所到無彼此深山見未曾殊絕非意儼名  
亭標勝概高詠興何已拈花同一如莫笑冶容子

曝經臺

塊石兀如臺直上銳且高以曝貝多函天然謝人勞却  
笑白馬馱多事由若曹

恭和

御製謁金太祖睿陵元韻

玉匣來從護國東

大金國志和祖宗葬護國林之東海陵徙燕乃遷此

盤寧遺殿

颯秋風一鞭徑渡開鴻業三史修成協至公

寶碣重瞻垂曷曷瑞雲還見指龍蔥春山此日紆

宸睥千古

深仁孰得同

恭和



御製過金世宗陵留句元韻

斷絮南山未足言興陵重見闢荒園  
治宗堯舜何辭小德被臣民共仰尊  
文物承平數全盛儉勤遺烈溯遙源  
載披青簡

心儀切牢木蕭森歎僅存

恭和

御製賈島故里元韻

落葉飄何處漁陽更岳陽

或稱島墓在  
普州岳陽

生曾慢天子跡

尚近空王及第名何有殘邱草半荒得選

宸藻賞時命未全妨

恭和

御製打鴨行元韻

淀池冰泮蘆芽生野鴨應候爭飛鳴迴翔作陣此留止  
乘時水獵聯舟行昔聞養老掌大羅今因肆士爰先河  
竿長鴨驚俊鶻落縱擊墮空浮水多亦有神機隨眼瞥  
火珠迸處翠茸裂水濶風微左右宜觀者稱奇不容說

使船如馬排淀澳聚散縱橫合機竅鷓鴣鷓鴣駕鳬鷺  
高處能追遠能到廣場逐鹿如有神波面獲禽還盡妙  
吳儂未解論谷量羊牛亦不辨海陸陳錯羞已看餅餌  
盈春疇時鮮佐膳飽即休

恭和

御製淀池月元韻

清絕無過水與月兩者合美乃見之南方江湖北方淀  
波光澹沲於月宜月明在天不擇照千潭一印非相期

淀池冰開新水足  
蘭舟正待凌清漪  
春宵溶溶風嫋嫋  
皓魄欲滿未滿時  
烟消氛霽遠澄澈  
浮金沉璧流參差  
東風萬頃渺無際  
當空不覺頻推移  
金焦兩點半滅沒  
蘓白雙堤還合離  
何人不見水與月

天章獨與傳神奇

恭和

御製水園六首元韻

訓士寧專畧網修御風擊楫紹

先猷昆明早見舟師肆有脩端因為過劉

上下天光遠蔚藍春鳧飛集樂湛湛庶羞喜佐

慈寧膳豈為時鮮七箸貪

行春餘事較畋漁習武從知舉必書羽獵漫誇池象海

長楊空詫網為陸

翼布箕張原有節風檣陣馬恰相為指揮但使嫺軍律

祝網三驅雅在茲

白頭漁父三朝在曾見

仁皇鳳艦來兩度迎

鑒叨渥賜載瞻

神武誦多才

微雪纔消風日和  
水村山郭徧

恩波塞垣更待行  
秋彌佗藉旌門數  
獲多

恭和

御製水村元韻

蝸廬傍叢葦  
泛宅亦成村  
柳外烟迷路  
春來水到門  
無

心鷗作侶有序鴈呼昆最喜塵囂遠還留古意存

題王中翰受銘小照

靈泉輸不盡奔注澈昏旦閱人今幾何何從問常幻人  
生遊歷處往往錯當面境外絕根塵獲此清淨觀一笠  
一蒲團無言亦無見尊者意云何呵呵這鈍漢

秋旅望雲圖為朱晴川妹大題

秋色長安道西風拂面塵行雲低白嶽歸路指河津執  
手難為別齊眉最愴神廿年同骨肉那得不沾巾

捧檄心偏壯循陔願暫伸應知薄宦苦不抵故鄉貧萬  
戶疎砧動層霄片月新遠歸樂莫樂先慰白頭人

恭和

御製經筵即事元韻

源探學海寬

講殿列儒冠儀典因時舉經箋逐日看大生仁並貫則  
哲帝其難

兩論宣明訓精深字字安



恭和

御製釋奠

先師孔子元韻

羹牆如見式

師尊

親詣欽承效駿奔

是日奉命分  
獻亞聖配位

岱岳當年瞻闕里秋

陽此日麗橋門

三朝奎畫懸龍榜萬國芹宮肅象樽宣示

宸章傳德意，遙同周雅頌於論。

恭和

御製中秋帖子六疊前韻四首

冰輪碾出碧霄間，片片雲衣着意刪。  
仙曲寧誇廣寒奏，前宵雅樂譜

南山

萬里同開一鏡光，西疇禾黍正舒香。  
人間到處堆金粟，村鼓家家擊瓦匡。

絲筆何人善得師  
天香雲外闌新詩  
龍門

奎藻昭星漢分照  
風簾滿硯池

頻年虎帳與山樓  
塞外風光歷幾秋  
今夕清輝明玉宇  
銀盤先湧液池頭

恭和

御製中秋即事元韻

朝興有滄午陰繁  
近晚雲衣片片霽  
端正一輪傳令節  
荒唐雜記笑煩言  
千川印處原同照  
七寶修成不露痕

自有

清吟酬勝賞綺筵然管詎思存

恭和

御製八月十七日密雲縣行宮對月元韻

似傍行旌故逞妍金風瑟瑟露娟娟  
臨闕月上明於畫近塞山多高插天  
佳節縱輸三五夜中宵還放十分圓  
城邊流水宮前漏氍帳秋來幾度眠

恭和

御製灤陽別墅元韻

塞上風光一覽收  
灤陽高館暢吟秋  
直鉞金碧開峯面  
早絢丹黃染樹頭  
飛鶴下時烟四合  
宿雲深處水懸流  
此間端合添新句  
歲歲

宸章壁上留

恭和

御製聽瀑元韻

丹崖峭立瀑泉懸  
坐聽清音意杳然  
戛石訇如摧玉柱

搖風鏗爾動冰絃漫誇台嶽標雙界為想匡廬落九天  
濺沫跳珠邀

睿賞直看詩思湧如川

恭和

御製索駝元韻

封駝一可敵九牛塞行緩歎沙草柔屈足受任解人意  
雙峯矗立昂其頭南人少見那識此頸長但詫垂茸紫  
戎鹽細柳鑿復舊骨重無論蹄角尾斜陽橫卧穩廬前

兒童掣項婦女牽磧平雪後縱能耐泥滑路長深可憐  
解裝弛負飲前川背錦模糊舊句傳

行殿高吟正史謬畫物之性

聖則然

恭和

御製即事元韻

慢城俯見地廬低駝圖渾疑烏夜啼路轉山深迷向背  
帳多歸晚忘東西松崖虎過無餘迹草徑廩行有斷蹊

聖代詰戎親見得班揚詞賦笑無稽

恭和

御製行園四首疊去歲韻

撒園

彌山先布列肅隊五更行樹密烟嵐重崖高曙色明星  
羅分萬騎霧捲抗雙旌踴躍從公意深知士卒情

待園

高下憑睽終山巔復水涯適中張幄待面勢廣場宜天



金史卷二十一  
迴雲開處霜清草淺時還

勤惜陰意重檢隔年詩

合圍

祝網

皇情軫軀縷舊俗稱驅來几上肉放比劫餘僧佗籍紛  
無數旋抽衆効能留餘還有待秋獮比年仍

散圍

拘慙方餘勇

深仁豈盡惟收禽息徒旅

賜獲遍衣冠紀律原須整遊畋昔戒盤無勞誇賦手空  
道髮如竿

恭和

御製波羅河屯行宮元韻

駸駸出谷馬嘶風

行殿雲邊曲徑通天闡靈區知脈厚野多露積樂時豐  
嶺楓映日仍餘紫山果經霜也自紅明發已看崖口近

潺潺伊邈日朝東

恭和

御製八崖口作元韻

馱裝車載互排擠一八周陸景物淒橋為旋支榛帶葉  
路經新雞草無泥山雞驚起迎人落絡緯深藏近悵啼  
遙聽呼園震林谷亂峯高處認霜蹄

恭和

御製汲伊邈水烹茶元韻

泉不在名有其品品得其真無過甚

至人親試斯識真銖較衡平思精審玉泉伊邈濬靈源  
中外均從天一稟山房晏坐聽松風八餅頭網充

御廩中冷惠山一一嘗

聖藻標題垂萬稔塞山秋水可用汲啜茗新成重來論  
舌根千二百功德未許庸凡測其朕揚芬徵潔本冲淡  
養壽流甘非冽凜鴻漸伯芻身未到拘墟見不下帶祗  
幔城清賞味至味玉醴應供大官飣

恭和

御製汲伊遜水烹茶再疊前韻

秘製三清稱絕品竹鑪風雅名高甚佳泉往往天作合  
相得益彰

精鑒審皇都玉泉塞伊遜下澤蘊奇鍾異稟崑山村旁  
玉抵鵲行汲尋常付廚廩一從

真賞達

至尊第一之名斯共稔

行秋哨鹿入木蘭溯源百曲頻咨諗撒圍虎帳試注茲  
味別溜澠入無朕松枝石鈹活火煎雲腴永清不凜  
雖云地遠隔遐荒那比玉泉依席衽金漿甘醴何足方  
半月程供大官飣

恭和

御製五君子圖疊舊作韻題鄒一桂畫

天喬貞秀賦質殊略似剛柔本天性揚芬挺節各一時  
同調相孚詎相病琴中水仙撫幽操詩裏官梅動清興

松柏有心竹有筠風雅均曾譜毛鄭拈來放筆合作圖  
一一品題難季孟老蒼偏具斌媚姿綽約何妨標格正  
想見

虞廷拜手時朝多君子熙庶政

松泉集卷二十一

欽定四庫全書

松泉集卷二十二

甲戌上

吏部尚書汪由敦撰

恭和

御製上元後一日小宴廷臣疊去歲韻

又叨湛露紫宮前列座欣開翰墨筵歌舞總因逢世泰  
賡颺同願遇豐年摘毫得句都成錦按例張燈不費錢

侯鯖錄錢氏納土進金錢買  
放兩夜燈今七十八是也  
夕色樓西遲月上依然舊



歲景光妍

火樹雲璈綺繡林一堂喜氣慶朋簪每因開歲欣酬節  
豈為懽時懈惜陰遇稔占豐重民隱望雲思雪厓

宸心座中節帥豐岐舊除道遙聞候

輦聞

題張墨岑農部小照即以送行

藝苑才名五十年相逢猶憶泛吳船

鸞旂小駐山樓曉春雨茶香第二泉

予辛未歲扈  
之次始與君相晤

於竹爐

山房

懸流碧玉聽淙潺老柏蒼藤水石間歸語閣前千尺雪

幾回承詔寫寒山

君待詔內廷日上為千尺雪四圍西苑熱河田盤分命諸詞臣而寒山則以屬君

支筇鶴骨瘦嶙峋一曲還分賀季真暢好駐顏求大藥

靈巖山下兩仙人

君與沈歸愚宗伯皆家吳之木瀆今以病歸得與宗伯聚首故并及之

恭和

御製題王詵漁村小雪圖用蘇軾烟江疊嶂詩韻

都尉愛寫胸中山愁心却寄空江烟坡翁題句緣契濶

姓名附見情殷然歌因畫作意畫外隨地湧出萬斛泉  
漁村尺幅最精妙雪溪能事追剡川何為先生未著句  
得非作自還朝前今來却入石渠秘神物會合寧非天  
松軒檣藻盤硬語瓊瑤滿紙滋韶妍霏霏瑞葉向入詠  
三白但取肥麥田水鄉風景別生面浮家連舸知幾年  
披簑換酒樂婦孺青裙欲傲蛾眉娟不比營邱雪棧紀  
行役亦非睇古京兆圖高眠錦暉重展邀

睿賞結伴更有眉山仙快拈髯韻為補逸興髯翰墨有

夙緣不見聚星白戰雪浪石重疊疊和多長篇

恭和

御製過潞河元韻

乾陽門外路逶迤通潞城邊轉漕河夾道多逢黃吏出  
隔年重迓

翠華過鑾旂風軟垂垂柳鴈齒晴開渼渼波喜見初程  
傳

睿藻雪消土潤識時和

恭和

御製白澗行宮晚坐元韻

星列地廬寬宵分

春殿寒深縈

九重念惟計兆人安秉燭永今夕

留題記昔懽渾忘鐘漏下郊月暢遐觀

恭和

御製題翠雲山房元韻

翠微深處嶺雲橫

坐攬烟霞几席清  
村落人家分歷歷  
川原車馬重行行  
窻前石有凌風勢  
天半松來憂雨聲  
最是鬱葱佳氣近  
橋山東望不勝情

恭和

御製暖元韻

陽春二月東風和  
芳郊青隴行逶迤  
林霏忽與塵外遠  
烟景偏覺山中多  
石繖碧蘚泉揚波  
芙蓉面面烘翠螺

松舒蒼顏勢欲舞鳥變新聲嬌成歌如登春臺迴泰谷  
不隔陰崖深澗曲布德無私徧幽獨萬象熙熙惟所屬

恭和

御製婉孌草堂元韻

看山如讀書佳境以漸開奧密不終秘留之待竒懷固  
知仁者樂必與靜侶詣香光壁間圖得此萬一哉而俯  
同其名正以

示雅裁譬之大鈞橐入冶皆良材

恭和

御製半天樓元韻

傑閣高憑萬仞巔  
鬱蕭臺是大羅天  
丹梯直上重雲表  
翠幌平臨衆皴前  
吹袂寒生風浩蕩  
入簾靜俯月婵娟  
何煩謝朓驚人句  
四壁

奎章共早傳

南苑即事

朝烟暮暮鳳城闔  
南苑風光滌眼新  
沙路草痕初過雨



馬蹄車轍總無塵  
宮槐歲久偏饒態  
陌柳風多已弄春  
不是鳧遊憑縱目  
等閒虛度此芳辰

杏花穠亞柳舒青  
十里紅牆路慣經  
陸海平鋪芳甸濶  
春蒐小試

翠華停招提鐘報遲  
遲月幕舍燈懸落  
落星往事七年  
渾一夢雪花如掌  
坐寒廳

三宿頻移新舊衙  
直廬重到寂無譁  
簷頭好聽啼春鳥  
屋角猶餘落地花  
雨意喜添青隴潤  
山光惜教短牆遮

右安門外新除道流水橋邊路轉斜

恭和

御製詠漢玉屏風疊舊作韻

赤帝子年逾尺琛流采璘玢

黼座石岌如商顏四老翁高冠龐眉作賓友二千餘載  
閱荆凡瓊寶僅存夫豈偶

天家懸圃積球琳琢飾多傳國工手圭璧銘搜蟲鳥跡  
苔華文錯蛟螭走從知庇穀慶有年詎止供飡稱益壽

西京遺跡今幾何仙侶摩挲歲時久未央甘泉閱景光  
杯刻不遭方士醜素質由來謝雕琢正色何曾雜緇黜  
靜陳渠几奉

清燕鄭重東璧嚴典守

飛毫庸作倬雲漢

疊韻載膚燦星斗鐫以昆刀承紫檀珍比藉縹懸組綬  
似列躬桓暉五瑞不同角散泛三酒穆然渾樸平且直  
披拂薰風對松牖辟寒清暑與時宜侑坐垂旒等虛受

汲古端因作遠鑑惜陰時復垂善誘  
宸章致戒玩物娛契深筆諫唐臣柳

應

制詠文木

高桐千章瀚海邊  
匠石不到全其天  
霹靂夜落知何年  
雨侵蘚蝕蟲蟻穿  
山橫水戔蛟龍纏  
棟梁琴瑟兩無意  
流沙萬里何由致  
忽詣長楊工位置  
拂拭始驚神采異  
天藻留題寶世希  
枯朽遐荒不終棄

題白舫載花圖為顧持國文學

秋水軒前俯綠波，幾重花發正清和。且教吟取翻階句，

漫憶吳船狎釣蓑。

紅藥當階翻時  
試中書題也

夢想江南櫻笋厨，香浮畫舫醉教扶。虛窓不少花枝照，

祇合重成載酒圖。

春來園中海棠牡丹芍藥相繼盛  
發花事最盛而未開尊故以解嘲

恭和

御製出口雜咏元韻

曉指嚴關氣候涼，千盤百折路蒼茫。莫言塞外風光別，

麥浪連畦更勝常

一線天門刻削成  
鳴鞭登眺慰輿情

龍旂纔過榆溝畔  
十館迎來喜氣盈

羣山羅列燦朝渠  
萬里烟清指顧餘  
岩鳥亦知

恩澤永和鳴一一導

鑒輿

濯枝雨過無纖翳  
黃雀風微絕點塵  
正是

天心符

聖意不教畏景灼行人

連雲雉堞鬱崔嵬羽扇徐分日影開

聖世只今虛斥堠懷柔早見遠人徂

恭和

御製至避暑山莊日都爾伯忒台吉車楞等接見元韻  
款塞西來走傳車迎

鑒此日盡軒渠朝宗到海羣知

聖

怙冒如天璽在予醉舞佇聞歌有駉來思還叶夢維魚  
崇班列爵

殊恩育屏翰從茲慶樂胥

恭和

御製清舒山館元韻

由來勝地山居最況此嘉名夏更宜入座薰風調玉軫  
當軒涼雨散冰絲圖書永晝延情久竹樹清聲引聽遲  
正是



高吟足欣暢天倪誰許靜中窺

恭和

御製宴都爾伯忒親王車楞郡王車楞吳巴什等于萬

樹園元韻

流杯亭外泛流霞肇錫芳筵撫裔遐

穹殿黼宸

天咫尺峯屏樹嶺地清嘉英韶迭奏風徐轉華表榮頌

日有加怡喜奉觴稱

萬壽折旋已解應衝牙

是日車撈于御前  
進酒行禮俱能中節

在廐驂駟氣不驕親承

笑語忘身遙介藩併為迎

鑒集異域何難折簡邀九服享王睟屬國一家中外仰

天朝共欽柔遠能綏

武更凜持盈頌紹

堯

恭和

御製山莊燈詞八首元韻

萬樹天花燦遠空燈筵例比

禁園中

仙莊夏景過元夜大地懽聲內外同

寶幃光搖五色雲踏歌聲裏漏聲聞尋檀炷轉新翻樣  
馬伎駢騰舊絕羣

夏宵山近氣微寒萬盞燈疑九陌看絕勝昨秋三五夜  
桂輪冰淨露珠圓

零露

恩濃賦蓼蕭丹霞百尺建神標人間天上渾難辨不夜  
城中第一宵

鈞天日聽琅璈樂良夜還燒錦帶燈拜舞遙稱無量壽  
琉璃寶界集神僧

花簇千枝驚豔發光流百道絕空緣紅橋幻出通仙路  
寶字排成拱

御筵

巖嵐林影紛成彩絳闕琳宮慶此宵瀛海蓬山能似否  
鬱蕭臺上列仙朝

百枝渠盃帳前陳西域休誇轉百輪豈獨名王蒙遠耀  
祥花朗照萬方人

恭和

御製伏日元韻

炎官熾其威金行方却避何緣蠲鬱蒸信有仙都地雲  
樹相澄鮮巖壑入幽邃朝睇宿露泫夕遲新月至得意

非外求即景愜靜寄追往切美墻持盈敕明脩詎以清  
晝間而甘寸陰棄遠契三古初旁叅第一義

恭和

御製登四面雲山亭子六韻

虛檻憑高曠巖扉勢鬱盤穿雲來澗曲積翠遶簷端會  
合羣山秀遙分平野寬

天題深歲月

睿賞洽烟巒泉落半崖雪風生衆籟寒

金少日居  
卷二十二  
前遊記重九霜葉染成丹

恭和

御製金蓮花元韻

灼爍爭看爛綺霞傳來嘉種自龍沙

御袍拂處風初定玉砌開時日未斜  
靜植寧慚君子德清芬故在法王家  
承恩撒炬休相比不是尋常設色花

恭和

御製荷露烹茶元韻

露珠光滿琳池荷千葉萬葉擎來多玉枕盛將試茗飲  
色香味絕那可過中冷惠泉號難得猶是人間烟火食  
滴滴都從天上來啜此方知聖水德蟹眼魚睛大小珠  
清風明月分鮮腴端明貢御浪著書烹焙但說盞與鑪  
瓊漿仙瀝曾知乎

恭和

御製習字元韻

天縱聖多能臨池意整暇心志一以正理可通乎射虞



楮詎窮神蘇黃應愧謝雲生洗硯池光燭抽書架鸞迴  
欲騰騫龍跣足驚詫

淵衷切

繼承豈徒事消夏

恭和

仰製載月用爽氣澄蘭沼舊韻

夕霽泛蘭橈澄瀛送虛爽塞月夏已秋碎影幻萬象清  
露滴如珠波光平似掌邈然芳林遊即事愜俯仰

清賞詎所耽

淵衷寧有既偶因暇可乘還  
壁夜央未心寂境斯起意  
愜物自肯披襟足清娛西池送香氣

霽霽香氣澄霏霏皓露凝中堂淨無滓  
圓靈耀寒冰微風澹蕩遊憑虛若不勝  
試問列仙人蓬瀛信可登  
登瀛倚嘉樹理櫂溯遠灘餘輝淡華星  
迴風泛崇蘭豈惟祛鬱煥因之慰遐觀  
含毫得新趣畢賞偕羣懽

羣懽協調幕咸若欣在沼嵐影漾層空  
涼聲起木杪西

崖照已過東嶺光未了從知淨明心萬方仰圓皎

恭和

御製賦得錫峯落照元韻

拊石名堪借標形峯幾層一痕殘照在萬壑遠雲蒸影  
瘦擎偏直陰移景倍澄孤撐千仞峻寸晷萬家憑烟引  
歸林鳥鐘催指月僧夕曦光可掇若木曙旋昇圖入起  
羣玉毫揮煥綵繒魯戈漫相比卓立若矜能

恭和

御製習射元韻

卷阿勝日奉清娛  
角藝乘時寓遠模  
羽直飛空風送響  
輪開影滿月隨弧  
發先正已由來重

聖必多能定不誣  
更喜肩隨連中的  
振振麟趾總超殊

恭和

御製登四面雲山亭子恭賦山高先得月之句元韻

虛亭雲際出縱目  
小蓬瀛忽覺千峯朗  
先看片月明徘徊  
初欲吐高迴若為迎  
嵐氣延秋早涼光入座清  
氷輪

低可鑑桂魄近逾晶下界烟猶暝深林風有聲餘輝流  
鴈磧寒影接龍營覽景偏餘慕賡歌識

聖情

恭和

御製奕元韻

先秋送新爽宇濶塞雲長地最宜風月時真若雨暘嵐  
陰盡披豁淨暑忽消藏從識

仙居近無煩賦納涼

恭和

御製雲巖歌元韻

巖非巖兮雲非雲難為狀兮  
掩藹而氛氲巖為雲兮雲  
為巖強為名兮竚窅而巉巖  
霓裳兮羽衣來何從兮紫  
烟微翠蓀兮華蓋去焉如兮  
玉峯醉泉淙林籟兮奏簫  
韶霞蒸霧捲兮倏起而旋消  
朝暮晦明兮春秋代序出  
入變化兮孰紀今古雲無心  
兮何知巖不動兮莫之為  
惟輪囷而紉纆歌復旦于昌時

恭和

御製七月五日東巡自避暑山莊啟蹕元韻

仙館鳴鑾正早秋碧峯高處引前旂  
鑲鋤遠奉周官譯  
鷗脫同歌夏諺休沙路接程圖可數雲山即景句新留  
試看跋馬羣情喜快值朝來宿雨收

停蹕俄經兩月餘行旌初展尾舒舒  
亂流逆溯奔濤壯  
過嶺回看曲磴紆列部淳風安舊俗

陪京佳氣護

宸居紀行

奎藻從頭起繪就幽風慰政予

恭和

御製玲瓏峯元韻

恭錄

元序

過中闕行宮迤東十餘里有峯拔地嵒嵒聳嶺望若翠  
屏嵌空虛洞似仙人之所棲止名之曰玲瓏而系之以  
詩

中闕路轉東復東三休巧貯滿谷風芙蓉天半削幾重



朔野忽睹靈鷲峯若宮若霍儔能同仙人所都白玉京  
叶內蘊靈異外象雄徑路已絕風雲通欽房窈窕秀色  
蔥天闕雲卧誰為名叶似聞鶯嘯聲隆隆尋真難覓採  
藥童晞陽時露一線紅側望真見萬里空洞豁不伏虎  
豹蹤氣接杭愛凌崆峒我

皇時邁路所從錫名題句標玲瓏遠從塞上迨域中勝  
境天地同無窮

一 恭和

御製行營六韻

制同三殿接金坡方囿圓城內外羅風飈旌竿千帳拱  
星臨壁壘百神呵隨時掖

輦承

懽近計日安程受福那野曠沙平山蘊藉涼生暑退氣  
融和

神周海宇裁章速景納雲嵐得句多長向旌門聽刻漏  
勉從行幕效賡歌

恭和

御製曉行元韻

山徑雲深曉助涼  
金飈拂拂襲絺裳  
向東行處迎初日  
百道明霞映赭黃

坦塗徐進安驅便  
赴險爭先簇擁遲  
待得日斜車馬困  
可能無悔疾行時

恭和

御製經喀爾沁部落元韻

初臨邊部謹將迎鞠脰同申受戴誠疆索百年蒙  
聖澤指揮萬里見輿情蘊盧毳服猶存古山隴原田漸  
有成共道今秋暘雨若

六龍經處倍豐盈

恭和

御製大寧城覽古元韻

餘蹟曾披汗簡青經過覽古玉鞭停初基早已歸三衛  
漫指殘垣說大寧

分茅愛子比邢凡控制遙通塞嶺巉不及廿年滄海變  
祇餘牢堵對征驂

金元創業有豪英開省龍沙建列城一例荒郊搖燕麥  
只孫何處問襟京

收來鐵騎老謀深直入金川不待擒奪得家居忘後患  
藩籬割棄亦何心

恭和

御製題大寧塔元韻

大寧城廢名徒存  
賸峙孤塔臨荒原  
疑有梵筵開舍衛  
空傳詞賦說梁園  
舍利金剛縱靈異  
難鎮燕都天子氣  
北顧全無拊背憂  
南下方如翻手易  
湧來多寶定先知  
曾見潛師席捲時  
替戾禿當鈴自語  
長江高閣重疇咨  
珠簾碧瓦早沉消  
宿莽烟榛影動搖  
耕牛牧馬歸殘壘  
可識昇平歲月遥

尊王後改  
封南昌

六龍東指時躋陟  
清曉陽烏纔展翼  
雲來雲去乍迷離  
路隔空壕近城北  
亭亭可望不可登  
默數飛簷叠幾層

駐馬踟躕無片碣欲問誰建何由能龍沙卓立幾經秋  
邇日欣邀

聖藻留廣漠野逍遙遊憑眺應銷萬古愁職貢而今此  
置郵

恭和

御製山田元韻

羣山域邊徼荒度所未過蒸雲易為雨奔流注成河流  
民茲託處積聚日以多雖然背鄉井且幸豐黍禾每遇

西成好更樂租稅少聊取贍饗飡謀生亦一道居然內地如阡陌雜廬居戎馬昔蹂躪雞犬今懽娛自古爭戰場耕犁無處無恬熙有如此廟堂資化理休養百餘年龐眉長孫子中外復何分宜博

天顏喜

恭和

御製板升

恭錄元序

蒙古諸王以糧廬為格爾以上瓦屋為拜牲格爾板升



者蓋拜姓之訛也。廬其舊俗而土瓦屋則近代始有之。內地流民至此率仍屋處。明季因以是為苦。蓋視板升儼如畏甌脫矣。

巢居苦風穴苦雨。象取大壯。肇棟宇。疆畛所限。習俗殊。種作穹廬。恒聚處。平沙廣漠。格爾多駝馬。滿谷羊滿阿。誰教架構植籬落。遂闢村莊。藝麥禾。候吏無呵容。轉徙塞山到處營。疆理或齊或晉。失業民接踵依棲。挈妻子。下家中外樂時平。舊吏堪咄詫。板升祇今烟火通隣里。

當日風塵擾甲兵輸幣歲增虧帑用馬市纔成旋請封

拜珪契塔為寇資

蒙古稱漢人為契塔蓋契丹之訛遼宋接境故以為此通稱耳

隱然

敵國聲勢重名藩內屬餘百年不逐水草事力田從獵  
公徒隨弭韃迎鑿除道待行邊懷柔布德

聖化宣板升更賴

天藻傳

恭和

御製西北風元韻

旗尾辰方直雲頭天外空  
來兼從坎兌披合辨雌雄氣  
厲高盤隼威行避却驄  
金難成萬寶我稼喜方同

恭和

御製蒙古諸王公進宴即席賦句元韻

藩維紫塞列圻垠

六御經臨肅共聽  
袞繡張筵依

黼座穠華夙駕覲

慈寧

諸公主邸主皆于所部恭迎  
皇太后聖駕進宴

馬羣駒牧千章錦野色

寥空萬里青鞠脰奉觴蒙

聖澤殊方此日正來庭

恭和

御製魚石屏歌元韻

少見多怪紛然疑偉哉造物能爾為由融而結誰指揮  
異石片片羅鯢鯢頑礦乃復藏神奇宛見綠波游泳姿  
出聽豈緊聞絃徽銜鉤那待持竿絲乍疑妙繪網箋遺  
啖花影弄垂柳枝或乃匠巧神鬼施刻畫髻鬣分荆移

想當秋水無津涯  
鱗鱗潑潑時紛其曝腮  
跋浪凌空虛  
叶此樂未許惠子知  
滄桑何代修若斯帶還為礪匪夷  
思炎飈皓日曛沐滋大鈞飛陂陶青泥一氣所到理異  
宜石凝水態層層拔魚為石質息不吹麻源螺蚌有先  
期製屏不藉丹青緇重以

天藻琬琰垂西陽博物驗在茲

恭和

御製準噶爾輝忒部台吉阿睦爾撒納歸誠詩以紀事

元韻

新封繡衮座中陪異域名王接踵來會極

皇風真蕩蕩懷柔

天度速恢恢魚歸滄海方知樂鳥託深林了不猜錫宴

山莊纔幾月

鑒興重駕厚栽培

恭和

御製賜蒙古諸王公宴元韻

省方肆觀歷龍沙載錫芳筵風物嘉麟脯總嘗神鼎膳  
鳳園不數建溪茶天閑駕馭皆騏驎武庫鋒銛有莫耶  
自為名藩數

渥澤鳴鑾那計道途賒

恭和

御製和蔣溥所進塞外雜詠十二首元韻

瓊廬

瓊幕穹廬逐日那卷來捆載幾封駝象天倚蓋張差易

隨地維垣力省多，隔幔雨聲聽葦荻。  
當門月影上藤蘿，底湏四壁安圖畫。  
野色山光共一窩。

駝衰

服牛乘馬更裝駝，峯立惟看塞上多。  
高步款行踰峻嶺，成行徐掣立平坡。  
曉鐘催處連聲圓，夕照斜時側影過。  
負重不辭憐過重，泥途滑滑動顛蹉。

馬絆

驥足原當萬里馳，霜蹄維絙却堪思。  
長途暫息寧忘倦。



逸氣無前詎可羈振鬣分甘編阜棧啄瘡誰念卧荒陂  
端因不用長為用莊叟卮言若箇知

風竿

長竿嫋嫋向風搖非旄非旟馳碧霄疎密各因分界立  
參差遠見隔林招荒郵漫比譙樓幟倦眼還猜野店標  
知有行人遲後至繁燈厯亂徹深宵

雨溝

分水非關舊隄頭秋林羶舍不須愁周遭便擬圓成壁

左右還因畫作溝立待蹄涔歸涸轍引放行潦作經流  
油雲每厘中宵慮解事先為未雨繆

設卡

慢城環拱幕如雲更設周陞淨夕氛次舍列無疎密間  
郊關道取去來分三垣重布規星度五夜誰何藉禁軍  
豈獨

行營申紀律邊防正待策殊勲

地竈

移程不藉頻增減利用要期適淺深但擬積薪供入爨  
却煩荷插待安鬻雨來更忌蛙生窰烟重旋看帳染黔  
客路底須誇鼎食行厨取便匪斯今

安市

負販隨營絡繹來禁嚴攘竊了無恥芻糧計日聊從便  
燈火通宵尚許開貴賤可徵無定價良楮有辨各殊材  
居然趣集成墟市擄取紛紛日幾回

征衣

褶袴嚴裝利走趨手中衣線戒征途葛裘更易宜因候  
長短量裁穩稱軀那免宵行沾宿霧不妨小坐藉平蕪  
配他橐鞬紛觴礪奚必瓊瑤雜佩俱

銅晷

測景占方法古初銅規巧合一九如東西申命羲和職  
分秒從占太史書針指畧區安頓次晷移行驗卸裝餘  
泰西新製尤稱便昏晝陰晴悉詔予

頌鹿

園中佗籍動成羣數獲旌門軍紀申豈為大庖充鼎寶  
每需餘澤遍疇人暴來乾腊彌行帳收入歸裝餉里隣  
獨愧無勞叨


渥賜割鮮應致羽林嗔

和詩

宵帳晨鞍萬首詩賡揚偶許近臣披蘇門驚嘯雖容聽  
碧落龍行那可追刻楮遲終謝天巧斲輪老莫喻心知

箋呈

乙覽歸含納明鏡寧嘖嫫母媼



松泉集卷二十二

欽定四庫全書

集部

松泉集卷二十六至

主事<sub>臣</sub>汪彥博覆勘

武英殿纂修編修<sub>臣</sub>吳鼎雯



欽定四庫全書

松泉集卷二十三

甲戌下

吏部尚書汪由敦撰

恭和

御製蒙古土風雜詠十二首元韻

恭錄

元序

甲戌東巡由熱河出中關即入喀爾沁境經敖漢奈曼  
土默特科爾沁諸部匝月廼至吉林所見塞外風土多  
有可紀隨事命題各疏小序得七言律詩十二首亦周

爰諏度之義也

乳簫

以皮為之平底豐下而稍銳  
其上將乳盛之於取携為便

製器端惟藉獸皮盛來新乳滴無遺細看雪液初融候  
喜見瓊漿滿注時少婦偏提疑出汲穹廬平倚傍懸羈  
醍醐酥酪從分別味判應知性不移

荒田

農作非蒙古本業今承平日久所至多依山為田既播  
種則四出遊獵秋獲乃歸耕耘之術皆所不講俗云靠

田天

果是域中無隙地今從塞上識荒田水耕火耨非其性  
霜早春遲別有天穀穗搖風新雨後蕎花鋪雪斷岡前  
熟來萬稗成嘉種閱歷方知語信然

所種稗米炊飯軟美可比粟米

### 鄂博

蒙古不建祠廟山川神祇著靈應者累石象山冢懸帛以致禱報賽則植木為表謂之鄂博過者無敢犯

膜拜祈禳積石磷山川絕塞總能神但驚暘雨應如響  
誰信妖祥召在人土木不營風近古軀髣成俗報還申

懸繒剪紙聊存意革簫奚煩奏雅幽

革囊

紉革為囊以代筐筥罌盎食用鉅細無所不納行汲或以貯水涉川則挾之肘間亂流以濟或謂之皮餽餽蓋也俗呼也

不同錦製負奚奴堅革紉裝器用俱便擬吹噓成索簫  
也教拚擋到匙盃錢空莫漫羞寒士潁脫無由笑陋儒  
若向中流求利涉一壺深幸藉全軀

柴車

取柴於山不加刻斲輪轅器具以牛  
駕之行則鴉軋有聲如小舟欸乃

取材詰曲成偏易行載崎嶇用頗多藉草輕容驅出淖  
濡輪深不憚浮河連岡一任鞭黃犢廣漠曾聞駕索駝  
莫笑伊鴉真下澤高軒相較詎能過

### 骨占

災羊肩骨視其兆以  
覘吉凶猶古龜卜

靈徵西域種成羊取灼惟資火具揚自詫神明占朕兆  
謾嗤枯朽測災祥卦來無異方雷屬瘦盡非關博士郎

雞骨牛蹄等方俗省將三易辨歸藏

馬竿

生駒未就羈勒放逸不可致以長竿繫繩靡致之蒙古最熟其技

長竿挺挾繫連繩掣頂橫牽制躍騰塞上攻駒稱絕技  
江干布網有同能繞羣那畏蹄兼齧追逸渾忘整與陵  
牝牡驪黃紛入彀未知德力究奚稱

兒版

兒生在襁褓中令卧版上韋束其兩臂倚穩  
盧壁間啼則搖之徙居則懸之駝裝之後

毛裏寧殊顧復憐倚教鵠立聳鵞肩止啼酥乳為楊葉

母他出則裹羊酥懸兒口旁咋之可以止啼

束手羔皮露蕨拳緣此畫籃增

粉飾

京師卧小兒於搖車彩飾其外

笑他繡褸費金錢提携強負渾無

藉還看駝裝兀兀懸

### 灰簡

水劑兩簡編韋聯之稍剝其中塗油而布以灰作字畢則拭去而更布之有古漆簡之風

灰畫傳看代語言義久韻字溯初元削青若較工尤省  
蠹簡翻嫌跡久存更舊布新殊古製諧聲會意列專門

漫誇繭紙留神品好借韋編細討論

竹筆

蒙古產毫穎而未得縛筆之法削竹木清墨作書

底用如椽運腕揮削成竹木豈殊歸試看墨跡留灰簡  
何似蟲書繡壁衣毛穎管城分更合懸針垂露是耶非  
江花五色違才地燕領投將萬里飛

口琴

製如鐵鉗貫鐵絲其中銜齒牙間以  
拈撥絲成聲宛轉頓挫有箏琶韻



不勞急拍與繁吹口以琴名指撥為高調錚錚貫金鐵  
清音切切擬桐絲鍛從中散應能解鼓向成連恐未知  
那比琵琶千載怨朱唇啟處惱閨氏

### 轉經

蒙古奉佛惟謹木輪中貫鐵樞可轉動集梵經於輪間  
大者支木架以手推之小者持而搖之旋轉如風謂一  
轉功德與持  
誦一過等

持誦難窮貝葉文風輪旋轉亦堪欣衆生果肯迴心向  
佛說今如是我聞譯就真宗十二部劫餘震旦大千垠

試叅八面圓無礙枉費推移用力勤

恭和

御製柳條邊元韻

關左帶江襟溟海

王迹聲靈訖無外郊圻申畫示藩維休養承平息勞億  
邊門縈繞柳條多踈如列柵肩纔過蒸土鑿山恐未固  
立木所禦能幾何自北而東幾千里九邊雄要什且從  
重門擊柝豈其然聖有金城斯是矣

鸞旂行秋指大東  
伊心誅蕩吉林通  
林開陸海見窩集  
源溯星潢接混同  
笑指邊牆原舊有  
緬想

陟原思繼守請同崖口峙豐碑

木蘭有御製八崖口詩勒石山上

萬葉

春光牆上柳

恭和

御製車駕至吉林得七言排律十二韻

紫塞黃沙

輦路迢吉林幽館到今朝  
雲雷草昧

皇圖鞏水水華滋地脉饒問俗尚承三代舊行秋正應  
八風調周京世緒先沮漆天府神臯翊瀋遼喬嶽扶輿  
長白近清江襟帶漢潢遙三侯沛里聞炎漢再駕汾陽  
仰

帝堯木突糠燈溯恭儉榆弓荆矢戒儼佻來觀共識遊  
為度

勤政從知旰復宵豐歲市無徵貴賤古風今不異淳澆  
賜酺庭下多耆耄

賜餐時耆老百  
人皆命入宴

起舞筵前集家寮

侍臣中家吉林者合享椎牛軍氣壯隨圍策騎馬嘶驕  
皆進宴起舞稱壽

侍臣  
扈

蹕欣初至好採封人擊壤謠

恭和

御製駐蹕吉林將軍署復得詩三首元韻

萬家山郭霽烟輕輕朝爽涼颼習習生地以鍾靈開勝境

天因留

蹕快新晴迎

鑿近效懼呼意與宅遐思眷顧情

天作高山應望秩清齋先日致虔誠

澄江如練帶清流載毫當年第一州節帥戟轅開畫裏

水虞漁艇聚沙頭千門燈火通深夜

街市居人門外懸燈率至竟夜

萬

樹丹黃絢素秋衢街自來皆藉板愛聽霹靂響似登樓

神堯過沛駐新衙八十年来更可誇繁息閭閻樂休養

流遺風俗異浮奢銀鱗出網均分

賜寶硯鐫銘舊拜嘉

松花石硯材最佳曾蒙恩賜

信是物華多異產

豐貂珠蚌草三極

恭和

御製望祭

長白山作元韻

周邦時邁協昭亨

喬嶽升馨表至誠  
紫氣東來常鬱鬱  
白雲中起鎮英英  
祥徵朱果符長發  
秩配

黃祗祐永清  
薦帛燔柴翹望處  
地靈億載護

神京

恭和

御製松花江捕魚元韻

陸山獵獸已飽觀路導沙渚披晴烟清江一曲網罟集  
中流正放

黃龍船波平風細下見底大有鱣鮪小魴鯉獻師挺叉  
魚奮躍如麋帶箭猶騰軒銀刀潑刺浪花捲百取一二  
曾何難巨鱗昂首驚出水槎頭丙穴奚數焉



頌鮮饗飫等圉罷細斫作膾絲紛繙江空舟散兩岸濶  
近人秋月清光寒

恭和

御製採珠行元韻

長源星漢波涵淪天寶所萃多潛珍虞衡著籍採珠戶  
千家散處江邊村年年涸採貢天府甲乙品第公評論

珠戶歲以冬杪貢珠內務  
府大臣暨工部會定等差

翠華東巡歷江汭臨淵一試知其真是時秋宇正寥泬

織雲無翳江光新旗丁袒入鮫人室出沒深瀾沿沙屑  
足探得蚌俯而拾剖出一一堆白銀夜光明月雖罕見  
勻圓頻采無瑕皺迴旋迅復沁肌骨鯁舟繫石多苦辛  
觀餘行賞灑

宸藻蟻璣萬斛真通神

恭和

御製射雉元韻

渭璜占有兆韓奕詠維黃猛試

威弧力呼騰獵士行深林孤乍見遠塞走徒蹌重合專  
車載圍觀詫異常

恭和

御製射熊元韻

泣衆前敷席宜男載弄璋身當雄漢殿占夢兆周祥中  
比侯穿札批來玉截肪留皮傳武庫

熊羆皮皆紀其  
歲月留貯內庫

聖射震顏行

恭和

御製窩集行元韻

坤輿鬱磅礴占漸得于陸震維納大林盛德乃在木彌  
臯蔽谷入望頻叢駢攢立枝生孫滄溟扶桑近可拂曲  
轅櫟社非其羣隘阻疑來土囊口前行欲迷顧其後暗  
聞鱗葉颺颺飛直礙標枝麋鹿走霜紅烟綠冬能青誰  
歟一一疏其名維條維喬書莫紀其灌其栂詩奚徵翻  
因地迴無栖鳥下蔭長生不枯草三珠五鬣何足竒百  
尺十圍那勝道千里安窮水盡處恍接天邊白榆樹依

微停午漏曦陽霽霽終年鎖雰霧濤翻大海有如此雲  
湧層峯未堪比大椿空說八千春太始以來什伯幾審  
知富媪多神奇奇由天造非人為關山江海富  
新製得未曾有創見斯

鸞旂掩映秋氣清

毫端颯颯天風聲榮光萬道燭林表譜作

東巡塞上行

恭和

御製松子元韻

北產薦嘉秩最數榛與松松子實尤勝不比榛多空

諺云

十榛向聞學仙術久餌顏如童泛茗秘瓷清飮盤玉顆

重欲識採擷處今見窩集中鬱鬱復森森連林冠芙蓉  
青鱗繡絳塔往往枝間逢外介而內腴軟美安可同金  
粉滲花細琥珀流脂濃一掇纍纍實為想謾謾風不知  
幾千歲蟄此百尺龍疑從支離叟便訪穀城翁即看珠  
彩湛尚有香雲蒙棟梁蘊瓌材樵蘇遠難攻落實全其

天保護依

神功

恭和

御製行圍即事三首元韻

陣圖何藉按孫韓  
節制分明彌獵看  
羽騎繩聯成壁合  
虎鎗環列挺長竿  
人披宿霧層峯現  
馬踏深林落葉乾  
為寄

詰戎深意在不辭  
雨沐更風餐

待園林麓暫徘徊隔嶺聞呼四面來旋見魚麗兼鶴列  
漫論鷹鏃與盧鋌逐禽駿足追風遠命中雕弧滿月開  
興到乘閒先得句七襄雲錦日

親裁

秋山紅紫間葱青虎跡麋迹鮮定形合噪有聲排磴戶  
超騰無路驟烟庭載宣武節行時令近接留都輦地靈  
一紀重來效

神祖三驅應律奠清寧



恭和

御製輝發故城懷古元韻

割據連城各逞雄

真人天授起從東即今

攬轡巡行處緬昔

徂征櫛沐躬灌木清溪尋往蹟崇墉葛餉念茲戎載稽

金匱揚

神烈幾許興懷仰

聖衷

恭和

御製吉林土風雜詠十二首元韻

恭錄

元序

吉林在盛京東北我朝發祥所自舊俗流傳有先民遺  
風焉甲戌東巡駐蹕連日江城山郭廬旅語言想見幽  
岐式廓之始諮詢土風拈二字成語者為題得近體十  
有二首聊記一二云爾

威護

剡巨木為舟平艫圓底屑銳尾修大者容五六人小者  
二三人剡木兩頭為槳一人持之左右運掉捷若飛行  
落葉浮漚匠意經剡來獨木體原輕憑教有力趨能負  
好放中流穩獨行擎汰浪花翻雪色貫槎星漢瀉風聲  
但容刀處看飛渡不待前溪新水生

### 呼蘭

因木之中空者鏤使直達截如孤柱樹簷前引炕烟出  
之上覆荆筐而虛其旁竅以出烟雨雪不能入此室皆  
然

浮烟出突供炊便立木前滌入望均表宅便疑封比戶

熱中知復恥因人朝暉一縷氤氲起暮雨千家點滴頻  
幾許翹薪供爨下條枚錯認此分身

法喇

似車無輪似榻無足覆席如龜引繩如御利行  
冰雪中或呼扒犁以其底平若耕犁蓋俗稱也

層冰積雪慣經過深巷交衢立待多載弛負擔裝磊磊  
行教叱御儼我我當無自有車之用借用老  
子語忘折偏知

履易蹉漫比耕犁賦秧馬屬帷紅板較如何

斐闌

弧矢之利童而習之小兒以榆柳為弓曰斐關  
刺荆蒿柳條為矢剪雄雞雞翎為羽曰鉏鋤

蒿矢榆弓控以絲左支右絀習安之勝衣便勵蓬桑志  
佩鞬偏工穀率為舊俗羣師射雕手少成爭羨寧馨兒  
挽強命中他年事百步千鈞待展施

### 賽斐

古人食皆以匕羹則以勺國俗舊用  
木匕長四寸許曲柄豐末猶古制也

昭儉非闕襲古為授餐棘匕席端宜漫因借箸前陳計  
從勸加餐笑解頤肥羜乳豚膏滿案芹香雲子滑流匙

誰教踵事增髹漆羅列金銀又一時

額林

度橫板楹棧間以貯匱篋餅  
甕諸器具兼几案匱匱之用

無多長物出東厨度板依楹什襲俱大抵茗甌蕪樺篋  
那爭漢鼎更周觚落泥梁上妨巢燕映日牕間轉相烏  
蛛網烟煤勤掃拂橫添四壁是新圖

施函

斷木為笥因其自然虛中以受物貯水釀酒皆  
用之視束鐵編篋櫝木片為器者天質為勝

朽腹何曾棄不材能宏端取量中恢厚儲擔石積升斗  
滿貯糞鹽釀醞醅穩置座隅憑取給移安爨下幾巡迴  
田家老瓦盆堪竝質素風宜奕世培

拉哈

土壁堵間綴麻草下垂緣以施圻  
堦此我朝過澗芮鞠間舊俗也

斫麻綴壁擬宵綯百堵興時亦孔勞塗墍不求工粉飾  
綢繆惟取得堅牢肯教剝落年時久更耐橫斜雨雪遭  
若使續成圻者傳柳州命意未為高

霞綳

蓮根為幹搗殺糠和膏傅之以為燭  
燃之青光煜煜烟結如雲俗呼糠燈

熒煌列炬徧脂塗春籀餘資秉燭需求蘊有光分里婦  
燎鬚無意責童奴增華絳燭誇龍鳳繼晷寒牕閱靚烏  
花綴玉蟲開四照濃烟甲煎未應殊

豁山

夏秋間搗敗芋楮絮入水漚之漚蘆簾暴勻  
為紙堅韌如革謂之豁山凡紙箋皆以名之

不數成都十樣箋蔡倫遺法頗稱便鋪來似雪光能透



障處無風質自堅制草白麻宣並相帖摹繭紙慕羣賢  
金花蠟印原非貴楮氏淵源有正傳

### 羅丹

庖蹄腕骨也舊俗以蹄腕骨隨手攤擲為戲視其偃仰  
橫側為勝負小者以羣大者以庖瑩澤如玉兒童婦女  
圓坐擲以相樂以薄  
圓石擊之則曰怕格

博奕猶賢聖所稱庖瑩骨戲故鄉興成驍壺矢天為笑  
呼轉臬盧技絕勝席上手翻溫似玉座間指撥瑩於冰  
莫言優劣紛無定智巧其中各擅能

周斐

樺木之用在皮厚者盈寸取以為室上覆為瓦旁為牆壁戶牖體輕而工省遂獸而頻移山中所產不可勝用也

梓材樸斲尚連皮棟宇垣墉樺木為板屋詩惟傳似玉竹樓記不數聽碁茅茨儉德罩

王化陶復先型溯土宜舊社枌榆縈

睿思邠居經始

紹聞知

恭和

御製塔兒頭歌元韻

塞行沙磧何茫然林麓縈帶感沸泉不疏不導澤沮洳  
泥淤中有長茭牽根盤葉覆積豐草春茁冬枯夏秋潦  
馬駝踏草軟於韉一失足陷千尺湫草頭時見瀰瀰波  
草底淖淖且奈何想從草底仰波面浮圖尖幾由旬多  
風濤而外有若此坎險視人身所履安得平開萬頃湖  
往來利涉招舟子

恭和

御製興京疊舊作韻

龍興最初地

鸞御再經時奕世承

昌運依京肇

帝基居岐始廬旅載毫已謳思正喜周原撫何嫌夏室

卑風雲開

大業天日緬

神姿樓櫓餘層巘郊原指近陂  
流泉環井里喬木映旌旗為憶

前題舊重看閱歲遲

鴻篇百言疊

駿烈萬年垂翹望

丹陵迴詒謀

聖鑒知

恭和

御製謁顯佑宮疊舊作韻

地迴枌榆社天臨紫極宮翠微佳氣鬱絳闕慶雲崇

靈貺昭丕祉

精誠格

上穹

肇基凝鼎命禁籞秩豐功霜柏層霄上扶桑渤海東

再巡光盛典祇謁塵

淵衷

章叶星雲倬圖開

駿業鴻永惟承啟佑篤祐仰

皇躬

恭和

御製薩爾許元韻

一征肇迹萬峯間破陣摧強

大業艱戰壘只今餘灌莽

靈旗長自護孱顏霜前錦樹當風矗雲外

珠邱計日攀

金匱遺編揚

武烈

詔謀億禩區寰

恭和

御製新月元韻

一年最好三秋月行帳看來幾度新  
西嶺綺消烟漠漠  
大江練靜水鱗鱗  
燈光隱映初張幕  
鞭影紛披後至人



流照前村添野色  
築場納稼宛圖幽

恭和

御製恭謁

永陵元韻

靈鍾啟運福來同  
瓜瓞綿綿衍緒豐  
木本水源徵

世德左昭右穆奉

先公一峯華蓋開  
天表萬葉星榆宅  
正中此日升馨光

聖孝載瞻松楠愴

宸衷

恭和

御製恭謁

福陵元韻

陪京東望勢岵亭

天柱巍峩鞏地靈

獨闢乾坤寧海宇長懸日月護

雲扃

龍旂展祀三千里鳳紀周迴十二星拾級載瞻松柏路  
九秋灤露曉初零

恭和

御製恭謁

昭陵元韻

武烈丕揚大統昭

丹陵深閼萬靈朝燕天昌後開千葉

膺錄維新奠一朝庭下松龍蟠廣蔭仗前石馬識英標

翠旗羽葆

精裡展西接

留都路未遙

恭和

御製謁

陵禮畢車駕入盛京仍疊癸亥歲舊作七言律十四

韻

舊邦時邁澗瀍東億載

皇基鎮鬱葱象緯昭回箕尾協陰陽和會兩風同

闕宮優愜頻申慕繁祉遐昌正集

躬轡轉

珠邱晴旭裏

鑒迴粉社曉雲中綺分疆場鱗舒隰香靄街衢篆裊空  
保塞鴈臣儀肅肅獻琛海國佩瓏瓏依豐緬昔

經營始卜洛方開

締造功乃立應門宸宇建奚煩橐鼓庶民攻山川永護

真人里星斗都環太乙宮  
執豕酌匏風自古由庚華黍  
歲維豐歡言父老知

先澤陟降庭除企

聖衷三殿

思綸霞彩煥十亭  
酺宴瑞光融周京敬奉

徽音嗣

黼座遙聞

帝謂通一紀

鷺旂重蒞止海天顚首日華紅

恭和

御製廣寧道中元韻

柳城西來萬騎行山光水色相送迎

攬景踟躕嗟往事道旁荒戍徵前明空山人聲鳥聲亂  
閭峯爽致高秋薦蕪城當日黃埃飛古堞幾聞蒼鼠竄  
東征高麗嗤唐家遼金列郡駐戟牙邊陲險要資控扼  
廟謨將畧徒相誇小黑峯前置屯衛戰耶守耶修膳備

風塵三尺赫

龍興戈甲如山紛解棄

聖朝侯尉徧東西風從雲翔化若馳百年雨露滋蕃息

千里畿甸呈豐熙緬懷

祖烈固邦本沐德最先居最近旋輿

吟眺撫遺蹤雲外征鴻秋正晚

恭和

御製山海關仍恭依



皇祖元韻

鯤壑寒門外龍山析木邊風雲依塞迥朔漠鎮環連橐  
駝九泥固梯航累譯傳

軒圖三戰烈

虞典再巡年雉堞朝迎旭難翹曉拂烟帶襟沿地險候  
尉奉天權翠色環千嶂滄波滙百川

清時寧恃險

睿覽意超然

聖駕東巡恭謁

祖陵扈從紀事敬依癸亥

御製迴鑾途次用平聲韻三十首進

呈

幽館

珠邱路指東

鑾輿夙駕曉龍蔥星霜一紀

精誠積掖

輦依然昔歲同

烏桓鴈塞嶺千重  
誅蕩天門萬國宗  
到處黃雲浮麥隴  
行來喜色動

慈容

灤水潮河似錦江迎

鑾新部比藩邦  
馬前厥角瞻

天表耳貫明珠毳服麾

長夏

山莊小駐時新荷葉葉柳絲絲水芳巖秀清涼地

殿角薰風正午吹

沼魚圓庖正鮮肥供

膳乘涼試步園恰喜前峯吐華月玉驄駁娑入林霏

水檻風軒八面踈洞天福地景標初

披章

召對仍無息

較射裁詩更課書

名王袞繡效鳬趨雜伎看馳六尺駒教上

御床

親賜爵推心柔遠示

神模

曲水芳園展綠萸  
鍾峯月上慢城西  
銀花散作千林錦  
寶界平鋪五色泥

新秋曉發衆情諧  
西出中關景物佳

帳殿披帷迎遠岫  
四宜居是讀書齋

伊孫千折路紆迴面面芙蓉擁翠來駝圖馬嘶車列隊  
平沙萬幕此間開

除道成梁念苦辛分藩列部

蹟猶新奈曼教漢經行地盡是含哺鼓腹人

射生逐草舊來聞毳幕氊裘擾塞紛此日山田青不斷  
新畬高隴力耕耘

柳條邊裏散千村板屋柴籬畫意存想見

陟原荒度處吉林城上瑞雲屯

窩集平聲欽閒度

和鑿彌野陸山次第看射得黃羅仰

神力圓來白麻奉

慈懽

龍軒鳳翥衛羣山纔指

橋陵雪涕潛

寶鼎星榆表

神樹

英登伊滅儼仙裳

葉赫荒城灌木邊  
揮戈汗馬想當年  
前屯撫順多遺跡  
總是

軒皇舊版泉

天柱東擎宿霧銷

佳城深閟萬靈朝

翠華甫蒞先趨

謁詰旦升馨更煇蕭



王氣

昭陵龍虎交嘶風二白立秋郊

誠孚

帝右凝

嘉貺不藉江淮三脊茅

都邑何闕守衛牢八紘歸

命浹春膏圖球宗器傳東序

貝胄雕鞍獸錦旂

王會圖成職貢多梯航琛賁歷闕河朝鮮譯使青驪馬  
蕃部降渠錦背駝

土風舊俗戒浮誇豐鎬遺規百萬家坤厚積高本  
長白星潢源遠接松花

駘背扶攜傍

御床黼筵起舞荷

龍光萬年樂利蒙

先澤彌信周詩頌不忘

北鎮扶輿拱

帝京

明裡祇薦駐

霓旌回鞭問景探雲壑繡樹紅泉步步迎

高咏飛樓筆有靈雲瀾浩瀚納滄溟望洋多愧涓流細  
目眩齊烟九點青

扶桑朝靄護京陵

聖代鴻圖億載興詎倚雄關嚴鎖鑰萬山環拱海天澄

孤竹遺墟暫憩游  
湍流峭壁野烟浮  
平臺松籟供天藻  
長共清風萬古留

繡甸逶迤膏澤深  
負軒時切頌

堯心車籌穗秸千  
村樂祇有

勤民意倍欽

繡蕭班馬有馭驪

御頓安營午正三  
衛士控強能巧中  
健兒角觝力沉酣  
行殿清暉月上簾  
往還五見玉鉤纖

宵衣正念寒征苦又課農家瑞雪占

朝衣初整拂塵衫

奏賀明光樂頌咸日捧

瑤箋朱尚濕

鴻篇五百襲琅函

松泉集卷二十三